

2 PETRO

Petro Ovoli Ɔyade

^I Ovoli kɔ̃ to yɔ̃, Simon Petro, Yesu Kristo os-
umune mo foto ɔnyane sekẽ. Ntsele ye mamena
bati a kɔ̃ bɛtsã boe Baguma mo boe Ɔtene Yesu
Kristo tuwɔ̃ kakena akũ bɛna katekado kɔ̃ kideɔ̃
kɔya nde boe kade a aye.

^{II} Baguma kɔnyakamo, mo ye lukudo lepo ne
mi akũ, ayekɔ̃ miabuki minyi ye mo Yesu kɔ̃ enye
boe Ɔlate a mibu.

Ayekɔ̃ Baguma Ve Bati Epau Be.

^{III} Baguma kɔa ye moawe kobẽ ekpa boe letsa
nye letsa a kɔ̃ busɔ̃ ne nkpã kame a faa kɔ̃ bupuli
budzi nkpã busum ye kasum wɔ̃. Ekɛna fukɔ̃
eneɛ yabumo boe kɔ̃ bunyi oti a kɔ̃ ene boe kɔ̃
boyaana tsefã ne ye moawe kukũkpale mo tuwɔ̃
kakena a kame. ^{IV} Baguma tsã osi kɔ̃ akũ ete boe
fɔtsa kpale mo kɔya a kɔ̃ ele eyi a, ayekɔ̃ bɔapuli
bɔtsã futetsa kɔ̃ akũ bulo ne fɔtsa kpa kɔ̃ fɔako oti
odo kɔ̃ fɔawola oti ne katinya onukpẽ, lokɔa bɔtsã
foe akũ bɔna tsefã ne Baguma kutidu a kame.

^V Ne fukɔ̃ sũ, mibɔa mbodi mikɔa tuwɔ̃ kakena
mibumo mi katekado. Ade ayea kadikanyi
kibumo mi tuwɔ̃ kakena, ^{VI} akũ kanya kibumo
kadikanyi, ɔwɔle kado kibumo akũ kanya,
Baguma kavila kibumo ɔwɔle kado. ^{VII} Mikɔa
towaẽ kakena ne Kristo kame mibumo Baguma
kavila, ade mikɔa ɔdo mibumo towaẽ kakena
a. ^{VIII} Nte mideɔ̃ ɔbla kɔ̃ mo ete mi kame flee
ni, fɔafɔ̃ mikabɔa mbodi, mi akũ lena nfaso, ne

ayekĩ minyi boe Ɖlate Yesu Kristo sũ. **IX** Leme nte obla kĩ léláa odi kame ni, kekõ eku ane eyua, kĩ eláapuli emo mo lugo, ade yaléla tokpa a kĩ ekéna etê a kĩ Baguma wola ne ye akũ a.

X Foesũ, nwaẽ ame, miboa mbodi mo osĩ miba kókoe, mido akũ osĩ mifõ kavé a kĩ Baguma vé mi, mo kapau a kĩ epau mi a, fonya fotsa kolewa fokpa mi. Nte mikéna foe lomó ni, miláamuniki ne mi katekado a liti. **XI** Nte fotsã osi kĩ akũ a, baakpa mi osi faa miwo ne boe Ɖlate mo boe Ɖtene Yesu Kristo legãkanyakõ a kĩ kewaa daa a kame.

XII Titó kĩ minyina fotsa kĩ kókoe, midzẽ pintii ne onokóali a kĩ bõtsa mi a kame malo ni, mawe kĩ makate mi foe ane luwi daa. **XIII** Mbu kĩ, kĩ ndzi kpã ni, fonene kĩ nkaanyina mi ne foletsã kĩ akũ. **XIV** Ìnyina kĩ owi léláabuna mo maaku nde ayekĩ boe Ɖlate Yesu Kristo nye etsa yĩ pefee a. **XV** Ne foesũ maaboa mbodi ntsa mi osi a kĩ ne yĩ wuda liti ni, miáapuli mite ane ne fotsã kĩ akũ loko nye loko.

Bati a Kĩ Bemó Kristo Kukũkpale a.

XVI Nné tugu kĩ beme ne nyansã kame bokoa bõle boe Ɖlate Yesu Kristo kaya ne kóbẽ kame a bõtsa mi. Boe moawe a lemó ye kóbẽ, obu mo kukũkpale a mo ane. **XVII** Bona ne awã luwi a fomó Baguma boe Ɖlega a kóa ye obu mo kukũkpale ekpa ye, ade odo to ode ne Kukũkpale Flee Ɖlate a sekẽ ele kĩ, “Ade yĩ Obi kĩ maátunó kale a. Yawo yĩ ane.” **XVIII** Boe moawe a linu odo kĩ kĩ eto ode ne loko a kĩ bona ne ye sekẽ ne oto kpalewa a akũ.

XIX Ne foesũ boe mbom bote Baguma onukpẽ banyene letsã a kĩ bide ne ye akũ a budo boba. Miboa mbodi mipi oledo a kĩ ela nde osedza kĩ yavole ne otũ kame a mido mo akũ, kenaawo odenyinawi kĩ onone lisibii a aade levole ne mi towole kame. XX Leme letsa a kĩ lebẽ foe flee nye kĩ, mite ane kĩ odima lelápuli enye Katsela Kpalewa folets a kĩ bele biyi a kayo ne ye moawe akũ akũ. XXI Kitonekĩ Baguma onukpẽ banyene folets a fudima táto otidziwa kawe kame foya tã da, mbom Hühũ Kpalewa a kobẽ lefõ bati le Baguma oledo a biyi.

II

Petro Kpa Kode Ne Bavãlevã Fotsa Batsane Akũ.

I Nde ayekĩ fovã onukpẽ banyene né ne bati kame kókoe a, ade ayea bavãlevã fotsa batsane aane ne mi kame a. Baatsã tedake kame beyamena fovã fotsa katsa a kĩ fõabula bati kade, ade baasĩ boe Olate a kĩ eya be ete be nkpã a malo. Be fotsakelawa aafõ bewola be moatse. II Bati pii aatomo be obla kpa kaboa a liti, ade ne fovã fotsa batsane a sũ ni, bati bebã aale kodzela kpa bitia onokoli osi a. III Ayekĩ bavãlevã fotsa batsane kĩ deĩ anengbã ne sika akũ sũ ni, baatsã tedake mo fovã kame bena mi akũ nfaso. Leme Baguma ko be koto eyi ane kókókoe, ade Oti a kĩ yaawola be a leme lanye ane ne be akũ!

IV Baguma támõ ye ode foto banyane a kĩ bekena tokpa a konya, mbom edo be nkosonkoso, eta be edo ne fi kĩ foadĩ da a kame, awã kĩ bideĩ ne otũ kame badzole kadze Luwi a. V Ade ayea

Baguma támo atitifó katinya bati a konya a. Efõ mui kayili wola bati a kĩ betávila Baguma ne katinya kame flee a, mbœente Noa kĩ ede letsã ne nkpã kadzi kpĩ akũ, mo bati evũkono bebã odi Baguma nye ne foe kame.

VI Baguma ko Sodom mo Gomora temato tekpale tekpale a koto, ade efõ fi wola te bubloo tedani bato nene a. Ekena be kĩ benya nfantuhũ bekpa bikĩ baávila Baguma a letsa a kĩ laaya ne be akũ. **VII** Leme Baguma nye Lot, oti kpĩ kĩ bati obla kpa kaboa kaha ye owole. **VIII** Oti wĩ kĩ dzi ne be kame, ade be obla kpa a kĩ ekamo ekanu mo be titikpa a kaha ye owole luwi nye luwi. **IX** Ne foesũ boe Olate nyina ayekĩ yanye bati a kĩ bavila ye a etomena be sohue kame, mo ayekĩ yafõ bati kpa aana ne soto kavele kame bekoa bedzole kadze luwi a. **X** Yakena foe titiliwu ne bati a kĩ bitomo sukena fowetsa kpa kĩ foako odo liti, kĩ foesũ baábu Baguma otumi kĩ yanya be akũ a kado ne letsama kame.

Fovã fotsa batsane kĩ deĩ ane osĩ, ade badela be akũ ne ode a. Baákoa obu kakpa ode bati kpalewa a, ade nte bale tokpa ne be akũ malo ni, akũ lányene be. **XI** Baguma ode foto banyane a kĩ bideĩ kobẽ mo otumi bebẽ fovã fotsa batsane malo a lãkoa foletsa kpa katsua be onukpẽ ne boe Olate a ane. **XII** Leme bati kĩ la nde bayae kpa kĩ belá adzuni, kĩ katinya nye be kĩ bati bipili be beko. Bale foletsa kpa ne letsa nye letsa a kĩ betánu de kayo a akũ. Baguma aawola be nde ayekĩ batidziwa awola tuwĩ kame bayae.

XIII Baamo lubo ne lubo a kĩ befõ bati mó a sũ. Be kawole nye kĩ bekena be sukena fowetsa kpa

fudi nye fudi ne suwa ketee. Benye konyoã mɔ tuduli fɔtsa bakenanɛ, ade nte mi mɔ be midzi mianya a, bamɔ kawɔle ne be bati kake tisi a akũ. **XIV** Bideĩ anɛ kĩ yamɔ batsole adɔpaafɔ, ade anɛ a kakɔa kakena tɔkpa láplo be a. Bavele bati kĩ be katekado ledzé pintii kado ne tɔkpa kame. Bavele be akũ bekpa anengbã. Baguma kadumu tomɔ be! **XV** Befɔne ne osi kpĩ a awe, ade beyela osi a. Betsã osi a kĩ Balam, Boer obinyole a tsã a. Balam mɔ kawɔle ne sika a kĩ yaana etomena tɔkpa kakena kame a akũ. **XVI** Leme Baguma kã ye anɛ ne ye tɔkpa a sũ. Ye mɔawe aflimu kĩ enɔne le kɔdzela mɔ oti odo, ade esua onukpẽ onyene a fɔbɔdamtsa kakena osi a.

XVII Fɔvã fɔtsa batsanɛ kĩ la nde fɔwɔke kĩ fuvio, iye luflututu kĩ ɔwe mɔ ɔsĩ abɔa kanamena. Baguma manɛ kadzikɔ eyi ekpa be ne ɔtũ kpili kame. **XVIII** Bale kɔdzela mɔ akũ kata, kale fɔkɔasiatsa leme. Bakɔa sukena fɔwetsa kĩ fɔakɔ odo kake bikĩ owi tábuna kĩ bilo ne amamu kadzi kame. **XIX** Bakpa be anɛ kate ne akũ akũ kadzi akũ, leme be mɔawe a benye obla kpa a kĩ yawola bati a basate, kitonekĩ letsa a kĩ lenya oti akũ ni, oti a adani ɔsate ekpa letsa a.

XX Nte bati tsã boe ɔlate mɔ ɔtɛne Yesu Kristo kanyi kame bilo ne katinya kame fɔtsa a kĩ fɔado oti efĩ sekẽ, mɔ obla a na muniki ewo ne be kame enya be akũ ni, bati a na nkpã awūnade a abu kade kaba atonyade a. **XXI** Nte kanyi kĩ betanyi letsama ne kadzi ne osi kpĩ akũ ni, kufe fɔneke kɔlaa fɔkpa be keba kĩ binyi osi wĩ kĩ leme bibuki bimuniki ne mbla kpalewa a kĩ Baguma kpa be a liti.

XXII Letsa a kī lɛya nɛ be akū a atsa kī fɔgbā kīi nyɛ ɔnokɔali kī, “Okpete amuniki kanaabɔɛ ye mɔawɛ tɛdā,” ade, “Ɔplakuo kī bɛwɔla ye mui yededeede amuniki kanaato tɔdɔ.”

III

Mimane Akū Mikpa Boe Ɔlate Kabuki Kaya.

I Nwaɛ amɛ kī maátunɔ kalɛ, ade ovoli ɔyade kī ntsɛlɛ mamɛna mi a. Nɛ tuvoli nviã a kamɛ a, nwɛ kī manyina mi adzuni nɛ fɔtsa wī kakɛna akū, ndɛ fɔletsa kakai aye. **II** Mawɛ kī mite anɛ nɛ fɔletsa a kī Baguma onukpɛ banyɛnɛ kpalɛwa a lɛ biyi anɛ kɔkɔɛ a, mɔ tɛbla a kī mi fɔtɔ banyanɛ a tɛ bitomɛna boe Ɔlate mɔ Ɔtɛnɛ sɛkɛ bɛma mi a akū.

III Minya lɔtɔ minu foe kayɔ kī nɛ fuwi nkaɛ a kamɛ ni, nsekuo badinɛ aaya. Baadzi nkpā nɛ be sukɛna fɔwɛtsa kī fɔakɔ oti odo onukpɛ bidi mi nsekuo. **IV** Ade baalɛ kī, “Elɛ eyi kī yaaya. Nde ye? Kitonɛkī anɛ kī boe bawanyɔ ku keyawo finyaa, ade ayea letsa nyɛ letsa buki lidei ndɛ ayekī fɔna kī Baguma bɔa katinya a!” **V** Bibua pa bisī ɔnokɔali a kī anɛ kɔkɔɛ mɔ Baguma kɔa kalɛ ɛbɔa tite mɔ ode. Ɛkɛna tite etomɛna mui kamɛ, tɛdzɛ nɛ mui kamɛ, **VI** ade mui lɛmɛ, mui a kī biyili a ɛkɔa ɛwɔla katinya kɔɛ a. **VII** Ade Baguma kalɛ mɔapɛ kīi pini tite mɔ ode a kī fudei finyaa, ade ɛmanɛ foe eyi kī yaakɔa fi ɛwɔla foe a. Baguma manɛ foe eyi ɛkpa kadzɛ luwi a kī yaawɔla bati a kī betávila ye a.

VIII Lɛmɛ nwaɛ amɛ kī maátunɔ kalɛ, mitalɛla kalɛ mɔa kīi! Ade ke nyɛ kī nɛ boe Ɔlate sɛkɛ ni, luwi mɔa la ndɛ futeli apim, ade futeli apim lɛmɛ

la nde luwi mɔa a. **IX** Ne badi kakɔna onukpɛ ni, boe ɔlate lána sɔwa ne letsa a kɪ ɛle eyi a kakena akũ. Fɔlá lɔmɔ, mbom ɔwɔle bɔɛɛ edeĩ ekpa mi, kitonekĩ yaáwe kɪ odima ɛyaawɔ, mbom yawe kɪ bati flee bedani tɔwɔle kame.

X Leme boe ɔlate Luwi a aaya nde ayekĩ oyekpane aya a aye. Ne luwi a akũ ni, ode aatɛ enaa ne odo kpaa kane kame, ade odetó kame fɔtsa flee a aatɛ fuvio fɔwɔ, ade tite mɔ te akũ fɔtsa flee leme aavio a.

XI Foesũ nte baawɔla fɔtsa kɪ flee ne osi kɪ akũ ni, bati bawɔdabe odu kene kɪ mianya? Kene kɪ mibɔa ɔbla kɪ ekpale, mikɔa mi akũ flee misum Baguma, **XII** ne lɔkɔ a kɪ midzi miadzɔle Baguma Luwi a mɔ akũ kasɪ kɪ leya mɔatse. Ade luwi a mɔ ode aapi fi evio, ade fi ɔwe a aanyinyina odetó kame fɔtsa flee a. **XIII** Leme boe kɔ ne Baguma kalekayi onukpɛ ni, bɔadzɔle ode vɔɛ mɔ tite vɔɛ, awã kɪ fɔtsa wɪ kakena te toto.

XIV Foesũ nwaɛ ame, kɪ miadzɔle boe ɔlate Luwi a ni, mibɔa mbɔdi kɪ mianya bati kpalewa, kɪ nfumusu lelãa mi akũ ne Baguma ane, mbom lukudo lena ne mimɔ Baguma kayite. **XV** Kene kɪ bɔabu boe ɔlate a ɔwɔle bɔɛɛ kana kakpa boe a nde osi kɪ ebinya ekpa mi kɪ mina nkpã kate. Ade fɔletsã kɪ boe ɔwene Paulo malo tselɛ ema mi ne nyansã a kɪ Baguma kpa ye a onukpɛ a. **XVI** Ade letsã a kɪ yale ne fɔletsã kɪ akũ ne ye tuvoli a kame a. Ye tuvoli a kame fɔletsã a fudi kayɔ kanu deĩ ɔsɪ. Ne foesũ bati a kɪ binyina tuvoli mɔ bikɪ betátim ne be katekado kame a adani foe kayɔ kanye, nde ayekĩ bakena mɔ Katselɛ Kpalewa fɔletsã bebã a fudi. Fukɪ kakena aafɔ bewɔla be akũ.

XVII Leme mi yĩ bakɔba, minyina fukĩ kɔkɔe. Foesũ midã mi akũ kadã wĩ ayekĩ bati a kĩ baábu mbla a leláanye kudu ne mi abɔa kayɔ mine mitɔ! **XVIII** Mibo ane ne boe ɔlate mɔ ɔtene Yesu Kristo kɔnyakamɔ mɔ kanyi kame. Ye kade nye kukũkpale kito finyaa kanaa daa. Fɔya lomɔ.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

68df0193-2981-5275-8994-8f743fe01e5e